

او عاك تفكر

او عاك تفكر ان ظلم الناس شطارة
وانك مفتاح فهلوى والناس حيارى
خليك فى نفسك وافتكى رب العباد
قادر يخلى رؤيتك زى السكارى
واو عاك تعيش دور اللى فاهم كل حاجة
وانك حويط وانك زكى وأصلك خواجة
كل اللى فاكر انه مش فاهمك يجوز
انت اللى مش فاهمة وملياك السذاجة
واو عاك تفكر ان سيرة الناس تسالى
وان انت فوق الناس وساكن برج على...
وان انت سيرتك فى الحياة متحصنة
دا دين عليك هترده ... خاف دا ارد على
خليك فى حالك ... سيب عباد الله فى حالها
وصفى قلبك من عيوب الناس بحالها
داوى عيوبك أو داريها وافتكى
انك كتاب مفتوح لناس ربك سترها
انا بقصدك وبكلمك افهم بقى

ما تعيش زى الدودة جوة الشرنقة
دا الرزق مقسوم ... مين يغير قسمته
مين فينا نفسه يقضى عيشته بالشقى
ارضى بنصيبك دا الحياة هتمر بيك
ومهما طالت قصرها باين عليك
واحسب فى عمرك كام سنة قضيتها نوم
هتلاقى تلت العمر بتغمض عينيك
مر الحياة يا صحبى يحلى بالرضى
وأحلى ما فى الدنيا بيضيع بالعدى
العمر يوم هيمر بينا وينتهى
ولا حد فاكّر هو من امتى ابتدى